

2015-imi aningaasanut inatsisissatut siunnersuut

pillugu

Inatsisartut Aningaasaqarnermut Akileraartarnermullu Ataatsimiititaliaata

ILASSUTITUT ISUMALIUTISSIISSUTAA

Inatsisissatut siunnersuutip pingajussaaneerpeqarnerani saqqummiunneqartoq

Ataatsimiititaliaq suliarinninnermini kingullermik ukuninnga inuttaqarpoq:

Inatsisartunut ilaasortaq Jens Imanuelson (Siumut), siulittaasoq
Inatsisartunut ilaasortaq Steen Lynge (Atassut), siulittaasup tullia
Inatsisartunut ilaasortaq Jess Svane (Siumut)
Inatsisartunut ilaasortaq Tillie Martinussen (Demokraatit)
Inatsisartunut ilaasortaq Naaja Nathanielsen (Inuit Ataqtigiit)
Inatsisartunut ilaasortaq Sara Olsvig (Inuit Ataqtigiit)
Inatsisartunut ilaasortaq Peter Olsen (Inuit Ataqtigiit)

Imarisaanut nalunaarsuut:

| | |
|---|----|
| Inatsisissatut siunnersuutip pingajussaaneerpeqarnerani saqqummiunneqartoq..... | 1 |
| 1. Aallaqqaasiut..... | 3 |
| 2. Aningaasaqarnermut Akileraartarnermullu Ataatsimiititaliap apeqputai/oqaaseqaatai aalajangersimasut – suliassaqaarfinnut agguataarlugit | 7 |
| 3. Aningaasaliissutininut allannguutissatut siunnersuutit | 8 |
| 3.1. Sammisaaq 2 – Aappassaaneerinermit missingersuutininut sunniuteqaanngitsumik allannguutit | 9 |
| 3.2. Sammisaaq 4 – Aappassaaneerinermit aamma pingajussaaneerinermit ukiumut 50 mio. kr.-inik sipaaruteqarneq | 10 |
| 3.3. Sammisaaq 7 – Aappassaaneerinermit Konto pingaarnermi 20.11.51 Aaqqissuusseqqinnerit sunniutaat..... | 11 |
| 3.4. Sammisaaq 11 – Pingajussaaneerinninnissamut teknikikkut allannguutit | 12 |
| 3.5. Sammisaaq 12 – Pingajussaaneerinninnissamut missingersuutininut sunniuteqaanngitsumik allannguutit..... | 12 |
| 3.6. Sammisaaq 13 – Pingajussaaneerinninnissamut Isertitaqarnerunissamik inatsisitigullu aningaasartuutininut pissusaaffigisanit naatsorsuutit nutaat | 13 |
| 3.7. Sammisaaq 14 – Pingajussaaneerinninnissamut kukkunersiuisut avataaneersut | 13 |
| 3.8. Sammisaaq 15 – Pingajussaaneerinninnissamut aningaasanut inatsimmut isumaqatigiisutit..... | 14 |
| 4. Allannguutissatut siunnersuutit aningaasatigut kingunissaat | 15 |
| 6. Ikinnerussuteqartut oqaaseqaataat..... | 16 |
| 7. Aningaasaqarnermut Akileraartarnermullu Ataatsimiititaliamit inassuteqaatit..... | 18 |

1. Aallaqqaasiut

Aningaasanut inatsisissatut siunnersuut Inatsisartunit pingasunngornermi ulloq 22. april 2015-imi aappassaaneerqarpoq. Siunnersuummik aappassaaneerinermi siunnersuut Aningaasaqarnermut Akileraartarnermullu Ataatsimiititaliamit suliareqqitassanngorlugu innersuunneqarpoq.

Ataatsimiititaliap 18. marts 2015-imi apeqqutaanut Naalakkersuisut akissutaat tunngavigalugit apeqqutinik arlalinnik nutaanik allakkatigut akisassanik Aningaasaqarnermut Akileraartarnermullu Ataatsimiititaliaq nassiussivoq. Apeqqutit taakku Naalakkersuisullu akissutaat **ilanngussaq O**-itut **aamma P**-tut ilanngunneqarput.

Tamatuma saniatigut siunnersuutip aappassaaneerneqarnissaanut Naalakkersuisunik siunnersiueq tunngavigalugu Aningaasaqarnermut Akileraartarnermullu Ataatsimiititaliaq arlalinnik nutaanik apeqquteqaqqippoq. Apeqqutit taakku Naalakkersuisullu akissutaat **ilanngussaq Q**-tut **aamma R**-tut ilanngunneqarput.

Inatsisartut aningaasanut inatsisissatut siunnersuummik aappassaaneerinerat tamatumalu peqatigisaanik Inatsisartut partiivinut isumaqatigiinniarnertit tunngavigalugit Naalakkersuisut allannguutissatut siunnersuutinik allanik 6. maj 2015-imi nassiussippot, tak. **ilanngussaq S**.

Tamanna tunngavigalugu aningaasanut inatsisissatut siunnersuutip Inatsisartunit pingajussaneerneqarnissaanut Aningaasaqarnermut Ataatsimiititaliaq matumuuna isumaliutissiisuteqarpoq.

1.1 Ataatsimoortumik tulleriiarisarnissamik tunngavik

Ataatsimoortumik pingaarnersiulluni tulleriiarisarnermik periuseqarneq aningaasaqarnitta pilersaarusiorneqarnerani pingaarnertut tunngaviuvoq. Aningaasaqarnitta pilersaarusiornera paasilertoruminartumik ingerlallugulu inuiaqatigiit aningaasatigut pisinnaasaannut naleqqus-sakkamik aningaasartuutigut aqutsivigisinnaassagutsigit periuseq taanna aalajangiusimasariaqarparput.

Taamaattumik aningaasanut inatsimmi naatsorsuutigineqartumit amerlanerusunik ingerlatsinermit aningaasartuuteqarnissamik aalajangernissaq sioqqullugu Inatsisartut Naalakkersuisullu sukumiisumik isumaliutiginneqqaartarnissaat aalangiisuusumik pingaaruteqarpoq.

Suliassaq taanna Aningaasaqarnermut Ataatsimiititaliap Naalakkersuisullu kisimik naammassisinnaanngilaat, Inatsisartulli tamarmiisut peqataallutillu tapersersuinissaat pisariaqarpoq. Tamanna ukiuni makkunani minnerunngitsumik pisariaqarpoq, tassami aningaasaqarnikkut attassisinnaassuserput annertuumik uloriarnartorsiortinneqartoq aammalu imaaliallaannaq aaqqiisuteqarnissaq ajornartoq erseqqissigaluttuinnarpoq.

Mittarfiliortiternerup iluani sanaartugassatut kissaatit piviusunnngortinneqassappata ukiuni tul-liuttuni aningaasalersuutissat annertooujussuit pisariaqartinneqassasut ineqarneq mittarfeqar-nerlu pillugit isumasioqatigiinnermi ingerlanneqaqqammersumi takutinneqarpoq. Qulequttap ”Taarsigassarsinissami isumaqatigiissutini atuuttuni nalinginnaasumik piumasaqaataasartut” ataani Aningaasaqarnermut Naalakkersuisoqarfimmit uku paasissutissiissutigineqarput:

- ”Namminersorlutik Oqartussat kommunillu akiitsui erniaqaataasusut nunatta karsiata isertitarisartagaasa 20 pct.-nit annertunerussanngillat (1,3 mia. kr. missaat).
 - Aningaasatigut massakut tunngavissarititaasut ilisimaneqartut aallaavigalugit taarsigassarseqqissinnaanissaq taamaattumik killeqarpoq.
- Namminersorlutik Oqartussat, kommunit ingerlatseqatigiiffiillu pisortanit pigineqartut akiitsui erniaqaataasusut tamarmiusut nunatta karsianut isertitarisartagaasa 75 pct.-nit annertunerussanngillat (4,9 mia. kr. missaat).
 - Massakkuugallartoq 2018-imi 3,6 mia. kr.-nik tamakkiisumik akiitsoqalersi-manissaq naatsorsuutigineqareerpoq.
- Siunissami taarsigassarsiniarnermi qularnaveeqqusiisoqarsimanissaa piumasaqaataas-sagunarpoq.
- Taarsigassarsinerit qularnaveeqqusiinerilluunniit tamarmik allanik suliniuteqarsinnaa-nissamut periarfissanik killiliisarput.”

Taamaalillunilu paasissutissat siuliani allassimasut naapertorlugit Namminersorlutik Oqartus-sat, kommunit ingerlatseqatigiiffiillu pisortanit pigineqartut ilanngaattissat ilanngaatigereerlugit 1,3 mia. kr.-it missaannik taarsigassarsinissaannut periarfissaqarpoq. Pingaaruteqarluinnarporli erseqqissassallugu aningaasat tamarmiusut ataatsikkut taarsigassarsiarineqassanngilluinnarma-ta, taamaaliornikkummi taarsigassarsinissamut sillimmatissaarutissagatta. Ajornartoortoqaria-sarsinnaavoq aningaasanik pisariaqalersitsiviulersumik, soorlu kingullermik 2009-mi taama pisoqartoq.

Aningaasaqarnikkut ingerlatsineq pillugu 2015-imi nalunaarusiami qupp. 20-mi allassimavoq aktiaateqarluni ingerlatseqatigiiffiit Namminersorlutik Oqartussanit pigineqartut taarsigassar-siaat ukiuni aggersuni qaffassagunartut. Tamanna Nuummi umiarsualiviliornissamik aalajangi-nerup aammalu Royal Arctic Linep umiarsuarnik nunaqarfiliartaatinik sanaartornissamut pilersaarutaata 900 mio. kr.-it missaannik taarsigassarsinikkut aningaasalersorneqarnissaasa kinguneraa.

Tamatuma saniatigut 2017-2018-imi 200 mio. kr.-inik Namminersorlutik Oqartussat taarsigas-sarsinissaat Sanaartugassanut Iluarsagassanullu Aningaasaateqarfimmit atuinerup pisariaqaler-sippaa. Taamaalillunilu suliniutinik allanik taarsigassarsinikkut aningaasalersuinissamut periar-fissat annikitsuinnanngorput.

Taamaattumillu nutaanik aningaasaliinerusinnaasut inuiaqatigiit aningaasaqarnerannut pissar-sissutaanissaat qulakkeerumallugu taarsigassarseqqinnissap sukumiisumik isumaliutigineqar-nissaa pisariaqartoq siuliani allassimasutigut naqissuserneqartoq pillugu Naalakkersuisut oqar-nerat ataatsimiititaliamit isumaqatigineqarpoq.

Akiitsunut aningaasaliinernullu periusissiap maanna atuuttup Inatsisartunit aalajangiusimane-qarlunilu patajaallisarneqarnissaata pingaaruteqarnera pissutsit siuliani allassimasut naqissu-

serpaat. Periusissiami qitiusumik pingaaruteqarnerpaagunartoq tassaavoq suliniummut aalajangersimasumut taarsigassarsineq aningaasaliinikkut pissarsiarineqartut aqutigalugit taarsigassarsiat piffissap naammaginartup iluani ernialersugaallutillu taarsersorneqarsinnaanissaat. Tamanna aningaasaqarnikkut isumatusaarneruvoq.

Namminersorlutik Oqartussat ukiumoortumik aningaasartuutaasa tamarmiusup 10 pct.-iisa, 680 mio. kr.-it missaanni naleqartut (2014), nunatta karsiani tigorianaatigineqarnissaannik anguniagaq Naalakkersuisut aningaasanut inatsisissatut siunnersuummi nalinginnaasumik nassuiaatini qupp. 97-imi paasissutissiissutigaat. Tamatuma saniatigut assersuutigalugu 2009-mi Royal Greenlandip aningaasaliiffigineqarnissamik pisariaqartitsilerneratut tassangaannartumik pisariaqartitsisoqalissagaluarpat pilertortumik qisuariartoqarsinnaaqullugu aningaasanik tigorianaannarnik upalungaarsimasuuteqarnissaq Naalakkersuisunit pingaaruteqartutut isigineqarpoq.

Aningaasat tigorianaanaat naammattut pigineqarsinnaaqullugit nunatta karsiata aningaasanik amerlajaanik taarsigassarsinissaa pisariaqarpoq. Tamatuma peqatigisaanik nunatta karsia akiligassanut kinguaattoorutit 932 mio. kr.-inik pisassaqaqarnera ataatsimiititaliamit assut ajuusaarnartutut isigineqarpoq. Taakku naligaat ukiuni 7,5-ini meeqqanut tapiissutit. Akiligassanut kinguaattoorutit januar 2014-imit januar 2015-imut amerleriarnert 32.658.695 kr.-iuvoq. Takku 2015-imi aningaasanut inatsimmi meeqqanut inuusuttunullu tunngasuni immikkut suliniuteqarnissamut aningaasaliissutit 5 mio. kr.-inik amerlanerupput.

Taamaattumillu pisortat ingerlatsinerannik nutarterinerup ingerlateqqinneqarnerata akiligassanut kinguaattoorutit aammalu akiligassanut kinguaattoorutit pillugit suliassat amerlassusiisa ungasinnerusooq isigalugu ikiliartuinnarnerannut peqataaqataaanissaanik neriuuteqarnini ataatsimiititaliap uteqqissavaa. Periusissaq pitsaanerpaaq tassaavoq akiligassanut kinguaattoorutit nutaat pilinnginnissaannik qulakkeerinninnissaq, tamatumalu peqatigisaanik pisortanut akiitsut akilerneqarnissaasa qanoq pingaaruteqartigineranik innuttaasunut sapinngisaq tamaat paasititsiniaaneq. Tamatumunnga tamatta peqataaqataasariaqartugut ataatsimiititaliaq isumaqarpoq.

1.2 Allanguutissatut siunnersuutit

Aningaasanut inatsisissatut siunnersuummik Inatsisartut siullermeerinerat tunngavigalugu Naalakkersuisut ulloq 10. april 2015-imi allanguutissatut siunnersuutit 142-nik Aningaasaqarnermut Ataatsimiititaliamut nassiussipput.

Allanguutissatut siunnersuutit taakkunanit sammisaq 2-mut, 4-mut 7-imullu isummernissani siunnersuutit pingajussaaneerineqarnissaanut Aningaasaqarnermut Akileraartarnermullu Ataatsimiititaliap kinguartippaa. Allanguutissatut siunnersuutit taakku isumaliutissiissummut **N-itut ilanngunneqarput.**

Inatsisartut aningaasanut inatsisissatut siunnersuummik aappassaaneerinerat tamatumalu peqatigisaanik Inatsisartut partiivinut isumaqatigiinniarnert tunngavigalugit Naalakkersuisut allanguutissatut siunnersuutit allanik pingasunngornermi ulloq 6. maj 2015-imi nassiussipput, tak. ilanngusaq R.

Tamatumani taamaallaat pineqarput *anigaasaliissutinut* allannguutissatut siunnersuutit. Naalakkersuisut allannguutissatut siunnersuutaannut Anigaasaqarnermut Ataatsimiititaliap inassuteqaatai isumaliutissiissutit uuma immikkoortuani 3-mi aamma 6-imi allassimapput.

1.3 Anigaasanut inatsisissamik matuminnga suliaqarnermi ataatsimiititaliap suleriaasia

Pissutissaqartillugu Naalakkersuisunut – ilaatigut sakkortuumik – uparuaanissap Anigaasaqarnermut Ataatsimiititaliamit tunuarsimaarfigineqarneq ajornera ileqquvoq. Tamanna ataatsimiititaliap suliassaasa pingaarnert ilagaat. Ataatsimiititaliap uparuaasarnernata naapertuuttut naammaginatutullu isigineqarnera ingerlaannassappat ataatsimiititaliap sukkulluunniit imminut qiviarnissaminut aamma piareersimajuartariaqarpoq.

Anigaasanut inatsisissatut siunnersuut taamatullu anigaasaqarnikkut ingerlatsineq pillugu nalunaarussiaq upernaakkut ataatsimiinnermi saqqummiussinnaajumallugit Naalakkersuisut piffissaq eqqarsaatigalugu tatisimaneqarlutik sulisimmamata ataatsimiititaliamit ilisimaneqarpoq. Ukioq manna anigaasanut inatsisissatut siunnersuummik suliarinninnermut atatillugu ataatsimiititaliap arlalippassuarnik apeqquteqarlunilu Naalakkersuisunik arlalinnik siunersiuivoq. Tamanna anigaasanut inatsimmik suliarinninnermi periusiuvoq nalinginnaalluinnartoq. Aammalu anigaasaliissuterpiaat saniatigut allat ataatsimiititaliamit soqutigisaqarfigineqartarnerat nalinginnaavoq. Tamama tungaanit isigalugu 2015-imi anigaasanut inatsisissatut siunnersuummut immikkut tunngatillugu oqaatigineqassaaq Naalakkersuisut anigaasaqarnikkut ingerlatsineq pillugu 2015-imi nalunaarussiaata naammassineqarsinnaanera sioqqullugu taanna saqqummiunneqartussaasimammatt. Nalunaarussiaq imarai suliniutissat ukiumi pineqartumi ukiunilu tulliuttuni Naalakkersuisut aallartissallugit pilersaarutigisaasa nassuiaatigineqarnerat, taamaattumillu 2016-imi anigaasanut inatsisissatut siunnersuummut kingusinnerusukkullu saqqummiunneqartussatut atatillugu sulinissamut attuumassuteqarnerulluni. Taamaattumillu anigaasaliissutinut tunngasumik apeqqutaannaanngitsunik aammali pingaarnertut sinaakkusiusanut anigaasaliissutinut atatillugu isiginiarneqartariaqartunut tunngasunik ataatsimiititaliap apeqquteqarnissaa pisariaqarsimavoq.

Assut piffissakitsitaanerup nassatarisaanik paasissutissat Naalakkersuisunit pissarsarineqartut siusinnerusukkutullu sukumiisumik ataatsimiititaliamit nassuiaateqarfigineqarsimannginnerat ataatsimiititaliamit assut ajuusaarutigineqarpoq. Tassunga taarsiullugu Inatsisartunut ilaasortat innuttaasullu soqutiginnittut isumaliutissiissummut ilanngussarpasuit misissornerisigut paasissutissanik taakkuninnga pissarsiniaqqullugit ataatsimiititaliamit innersuunneqarput. Tamanna soorunami naammaginangilaq, anigaasanulli inatsisissap akuersissutigineqarnissaata kinguarsaqqinnissaa ataatsimiititaliamit kissaatigineqanngilaq, taamaattumillu isumaliutissiissummik suliaqarnini tamakkiinnerusinnaagaluartoq naammassisariaqarlugu.

Ataatsimiititaliamut suliassaq pingaarneq soorunami tassaavoq anigaasanut inatsisissatut siunnersuummi anigaasaliissutit taakkulu kingunissaasa isummerfiginissaat. Minnerunngitsumik anigaasanut inatsisissatut siunnersuutip kingunerisassai pillugit paasissutissanik nutaanik Naalakkersuisunut piniarlunilu taakkuninnga oqaloqateqarnissaaq pisariaqartinneqartarsinnaavoq. Taamaattumillu sulineq piffissaalluartillugu aallartinneqartariaqarpoq aammalu Inatsisartunit taamatullu Naalakkersuisunit salliutinneqartariaqarluni.

2. Aningaasaqarnermut Akileraartarnermullu Ataatsimiititaliap apeqquatai/oqaaseqaatai aalajangersimasut – suliassaqarfinnut agguataarlugit

Naalackersuisut allannguutissatut siunnersuutininik ulloq 6. maj 2015-imi nassiussinerat tunngavigalugu nassiunneqartut itisilerneqarnissaat siunertaralugu Aningaasaqarnermut Aatsitasarsiornermullu Naalackersuisoq siunersiorneqarnissamut ataatsimiititaliamit aggersarneqarpoq. Siunersiuinissamut aggeqqusissut isumaliutissiisummut **ilanngussaq T-tut** ilanngunneqarpoq.

Naalackersuisut akissutaat **ilanngussaq U-mi** takuneqarsinnaapput.

Ataatsimiititaliap 18. marts 2015-imi apeqqutaanut Naalackersuisut akissutaat tunngavigalugit apeqquatinik arlalinnik nutaanik allakkatigut akisassanik Aningaasaqarnermut Akileraartarnermullu Ataatsimiititaliap nassiussivoq. Apeqqutit taakku Naalackersuisullu akissutaat ilanngussaq O-itut aamma P-tut ilanngunneqarput.

Apeqquummit akissummillu tigulaakkat uku ilanngussaq P-mi allassimapput:

” 6.12 Konto pingaarneq 20.30.07 Boligstøtte, ernianut akilersuutinullu tapiissutit, ilanngaaseereerluni INI-p ASA-llu akornanni isumaqatigiissuteqartoqarsimaneramik Naalackersuisut paasisutissiinerat ataatsimiititaliamit maluginiarneqarpoq, taamaattorli ineqarnermut tunngasuni pisortat suliassaasa isumagineqarnissaat eqqarsaatigalugu Namminersorlutik Oqartussanik suleqateqarnermi INI-p siunissami inissisimanissaa pillugu Naalackersuisut qanoq anguniagaqarnersut pillugu paasisutissat suli qinnutigineqarlutik.

***Akissut:** Ininut attartortittakkanut siunissami INI-p piginnittuulernissaa pillugut Naalackersuisut takorluugaqarput. Taamaalillutik akisussaaffik ingerlatsinerlu ingerlaqatigiilissapput. Taamaalilluni inissiat aserfallatsaaliornernik sammisaqarluni ingerlatsinermik pitsaanerusemik INI annertunerusemik qulakkeerisinnaavoq. Inissiat aserfallatsaaliornernut isertitanit iluanaarutit INI-p atussagai Naalackersuisut isumaqarput, aammattaarlu piiaanermut aserfallatsaaliuinernullu atugassanik immikkut ittutut tapiissutinik INI aamma suli ukiuni arlalinni pissarsisassasoq, taamaalilluni iluarsaattariallit anguneqariartuaarsinnaassallutik.”*

Pisortat inissiaataannik aserfallatsaaliinermi annertuumik kinguaattooruteqarneq qaangerniassagutsigu periutsit nutaat atorneqartariaqarnerannik Naalackersuisut oqarnerat ataatsimiititaliamit isumaqatigineqarpoq. Aningaasaliissutinit iluanaarutit INI-mit siunissami tigungmiinnarneqarlutik aserfallatsaaliinermut atorneqarsinnaanerat ataatsimiititaliamit tunuarsimaarfigineqangilaq. Aningaasaliissutinit iluanaarutit saniatigut aningaasat qanoq amerlatigisut Naalackersuisunit isaterinernut aserfallatsaaliinernullu immikkut tapiissutissatut pilersaarutiginerat pillugu itisiliinissaq ataatsimiititaliamit qilanaarineqarpoq. Nunatta karsiata ukiuni aggersuni aningaasaliissutigisariaqarsinnaasai amerlasuupilussuusinnaapput, taamaattumillu tamanna

9. maj 2015 FM2015/7

pillugu ilisimasat pigineqaleriarpata Inatsisartunut ingerlateqqinneqarnissaat ataatsimiititaliamit kaammattuutigineqarpoq.

Apeqquummit akissummillu tigulaakkat uku ilanngussaq P-mi allassimapput:

” 12.6 Konto pingaarneq 64.10.22 Kalaallit Nunaaniit imermik nilannillu avammut tuniniaaneq

Kalaallit Nunaata nilammik imermillu avammut tuniniaanermi ingerlatsisutut ataq-qisaasutut inissinnissaanik anguniagaqarneq eqquutsinneqarsinnaaqqullugu suliniutit sorpiaat maanna aallartinneqarsimanersut paasisutissiissutigineqassasoq ataatsimiititaliamit kissaatigineqarpoq.

Akissut: Qaammatini makkunani inuussutissarsiorfittut suliaqarfimmut nutaamik periusissiorneq suliarineqarpoq.”

Nilammik imermillu avammut tuniniaanissamat periarfissaqartoq atorluarneqanngitsunik ukiut arlallit erseqqissaatigineqartarsimavoq. Tamatuma peqatigisaanik pisuussutip taassuma avammut nioqutissatut imminut akilersinnaasutut pilersinniarnera ajornakusoorsimasoq ataatsimiititaliamit maluginiarneqarpoq. Suliassaqarfimmi periutsimik nutaamik maanna suliaqartoqarne- ra ataatsimiititaliamit taparserneqarpoq taassumalu piaartumik saqqummiunneqarnissaa qilanaa- rineqarluni.

3. Aningaasaliissutitut allannguutissatut siunnersuutit

Aningaasanut inatsisissatut siunnersuummut allannguutissatut siunnersuutit nutaanik 22-nik Naalakkersuisut saqqummiussipput, taakkunannga ataaseq tunuartitamut (76) taartaavoq (nr. 143).

Aappassaaneerinermit allannguutissatut siunnersuutit 108-t sinnerupput. Oqaatigineqassaaq allannguutissatut siunnersuut nr. 76 Naalakkersuisut tunuartimassuk, tassunga isummernissani ataatsimiititaliap pingajussaaneerinissamat kinguartinnikuuaa. Naalakkersuisut taarsiullugu allannguutissatut siunnersuut nr. 143 saqqummiuppaat, tak. ilanngussaq S.

Taamaalillunilu pingajussaaneerinissamat allannguutissatut siunnersuutit katillugit 129-upput.

Aningaasaliissutitut allannguutissatut siunnersuutit sammisanut ukununnga immikkoortinneqarsimapput:

- sammisaq 2 Aappassaaneerinermit missingersuutitut sunniuteqanngitsumik allannguutit: allannguutissatut siunnersuutit 25-t
- sammisaq 4 Aappassaaneerinermit ukiumut 50 mio. kr.-inik sipaaruteqarneq: allannguutissatut siunnersuutit 82-it, taakkunannga ataaseq (76) tunuartinneqarpoq allamillu taarserneqarluni (143).
- sammisaq 7 Aappassaaneerinermit Konto pingaarnermi 20.11.51 Aaqqissuusseqqinnerit sunniutaat: allannguutissatut siunnersuut 1

9. maj 2015 FM2015/7

- sammisaq 11 Pingajussaaneerinninnissamut teknikikkut allannguutit: allannguutissatut siunnersuutit 5-it
- sammisaq 12 Pingajussaaneerinninnissamut missingersuutitut sunniuteqanngitsumik allannguutit: allannguutissatut siunnersuutit 4-t
- sammisaq 13 Pingajussaaneerinninnissamut Isertitaqarnerunissamik inatsisitigullu aningaasartuutitit pissussaaffigisanit naatsorsuutit nutaat: allannguutissatut siunnersuutit 1
- sammisaq 14 Pingajussaaneerinninnissamut kukkunersuisut avataaneersut: allannguutissatut siunnersuutit 2-t
- sammisaq 15 Pingajussaaneerinninnissamut aningaasanut inatsimmut isumaqatigiissutit: allannguutissatut siunnersuutit 9-t

Allannguutissatut siunnersuutit tamarmik Naalackersuisunit saqqummiunneqarput.

Aningaasaliissutit pineqartillugit allannguutissatut siunnersuutit ataasiakkaat normui *aningaasaliissutitut takussutissiami* allassimapput; *ilanngussaq 1*. Aningaasaliissutitut takussutissiaq Naalackersuisut aningaasaliissutitut allannguutissatut siunnersuutaannut saarlinnqorlugu ilanngunneqarpoq, taannalu isumaliutissiissummut ilanngussaq S-tut ilanngunneqarpoq.

3.1. Sammisaq 2 – Aappassaaneerinnermit missingersuutitut sunniuteqanngitsumik allannguutit

Qulequttami tassani allannguutissatut siunnersuutitut 25-inik Naalackersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi IST-imi angusat 15 mio. kr.-inik pitsanngortissavaat 2016-imi IST-imi angusat taakku amerlaqataannik ajorseriartissallugit, taamaattumillu siunnersuutit ataatsimut isigalugit IST-mut sunniuteqassanngilaq.

Sammissap uuma ataani allannguutissatut siunnersuutitut nr. 17-imit 41-mut isummernissani Aningaasaqarnermut Akileraartarnermullu Ataatsimiititaliap aappassaaneerinnermi kinguarlippaa.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilasutitut ima oqaaseqaateqarumavoq.

Konto pingaarneq 10.01.01 Naalackersuisut Siulittaasuata Naalackersuisoqarfia aamma 27.01.01 Nunanut Allanut Pisortaqarfik

Allannguutissatut siunnersuutit siuliani taaneqartoq Naalackersuisumik siunnersuutitut tunngavilersoqqullugu nassuiaqqullugulu Naalackersuisut qinnuigineqarput.

(Allannguutissatut siunnersuutit nr. 17 aamma 21)

Ataatsimiititaliami ikinnerussuteqartut Inuit Ataqtigiit ilaasortaatitaasa tamanna pillugu oqaatigissavaat siunnessami tusagassiuutitut tapiissuteqarnissaq pillugu ataatsimiititaliap apeqqutai Naalackersuisunit akissuteqarfigineqarsinnaasimannimmata. Tamanna tunngavigalugu allannguutissatut siunnersuutitigineqartut ikinnerussuteqartutit taparserneqarsinnaanngillat. Tusagas-

UPA 2015/7

J.nr. 01.31.11-00014

J.nr. 01.25.01/15FM-LABU-00007

9. maj 2015 FM2015/7

siuutitut tapiissutit pillugit Naalackersuisut piaartumik ataatsimoortumik siunnersuuteqarlutik saqqummiussinissaat ikinnerussuteqartut kaammattuutigaat, tamatumani aamma ilanngunneqasallutik KNR-ip pilerisaarutinit isertitatigut annaasaasa siunissami aningaasanit taakkunanga taarsiissuteqarfigineqartarnissaannik oqaatigineqartut kingulliit.

Sammissaq 2-p ataani allannguutissatut siunnersuutit nr. 17-imit 33-mut aammalu 35-mit 41-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**

Sammissaq 2-p ataani allannguutissatut siunnersuut nr. 34 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataasa **inassutigaat**.

Sammissaq 2-p ataani allannguutissatut siunnersuut nr. 34 **itigartinneqassasoq** ataatsimiititaliami ikinnerussuteqartut Inuit Ataqtigiit ilaasortaataasa **inassutigaat**.

3.2. Sammissaq 4 – Aappassaaneerinermit aamma pingajussaaneerinermit ukiumut 50 mio. kr.-inik sipaaruteqarneq

Qulequttami tassani allannguutissatut siunnersuutit 82-inik Naalackersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiumu missingersuorsiorfiusuni ataatsimut isigalugu IST-mut sunniuteqassanngillat.

Sammissap uuma ataani allannguutissatut siunnersuutit nr. 46-mit 127-mut isummernissani Aningaasaqarnermut Akileraartarnermullu Ataatsimiititaliap aappassaaneerinninnermi kinguatippaa.

Allannguutissatut siunnersuutit ataasiakkaanut Aningaasaqarnermut Ataatsimiititaliaq ilasutitut ima oqaaseqaateqarumavoq.

Konto pingaarneq 34.12.01 Nunap immikkoortuini peqqinnissaqarfii, nakorsanit sullinneqarneq

Konto pingaarnermut allannguutissatut siunnersuut Naalackersuisumik siunnersuutit itisileneqassasoq ataatsimiititaliamit kissaatigineqarpoq.

Sipaartissaq allannguutissatut siunnersuummi 76-imi, nunap immikkoortuini peqqinnissaqarfinni nakorsanit sullinneqarnermut tunngasumi, nassuaatigineqartoq ataatsimiititaliami ikinnerussuteqartunit Inuit Ataqtigiit ilaasortaataannit akuerineqarsinnaanngilaq. Kigutaasiortup angalasup atorfanik atorunnaarsitsinerup kingunerisassai naammattumik paasinarsisinneqanngillat.

(Allannguutissatut siunnersuut nr. 76)

Allannguutissatut siunnersuummik nutaamik nr. 143-mik Naalackersuisut pingajussaaneerinisamat saqqummiussipput. Allannguutissatut siunnersuutikkut nr. 143-kkut allannguutissatut siunnersuut matumani pineqartoq tunuartinneqarpoq. Taamaattumillu allannguutissatut siunnersuut taasissutigineqassanngilaq.

UPA 2015/7

J.nr. 01.31.11-00014

J.nr. 01.25.01/15FM-LABU-00007

9. maj 2015 FM2015/7

Konto pingaarneq 40.94.13 Timersornermut tapiissutit

Ikinnerussuteqartut 102-mut allannguutissatut siunnersuummik saqqummiussipput. Timersornermut tapiissutinit 600.000 kronit sipaarutigineqarnissaat siunnersuutigineqarpoq. Suliassa-qarfimmi taamaallaat 200.000-it sipaarutigineqassasut aammalu 400.000-it sinneruttut nunatta arsaattarfianut aningaasanit immikkoortinneqartunit tiguneqassasut ikinnerussuteqartut siunnersuutigaat.

(Allannguutissatut siunnersuut nr. 102)

Inuit Ataqatigiit 102 allannguutissatut siunnersuummik saqqummiussissapput.

Konto pingaarneq 34.12.01 Nunap immikkoortuini peqqinnissaqarfiit, nakorsanit sullinneqarneq

Ataatsimiititaliami ikinnerussuteqartut Inuit Ataqatigiit ilaasortaataasa allannguutissatut siunnersuut 143, nunap immikkoortuini peqqinnissaqarfimmi nakorsanit sullinneqarnermut tunngasoq, akuerisinnaangilaat. Isorliunerusuni nakorsatut atorfiit peerneqarnissaannik siunnersuuti-geqqaagartik Naalakkersuisut tunuartimassuk ikinnerussuteqartunit iluarisimaarneqarpoq. Ikinnerussuteqartulli isumaqarput sipaarutissaq nutaaq naammaginartumik aamma nassuiarneqarsimangitsoq. Atorfiit arfineq marluk atorunnaarsinneqarnerat, aatsaallu tamatuma kingorna pisariaqartitsinermik atorfiillu arfineq marluk taakku inissisimaffiik misissueqqissaartoqarniarnera ikinnerussuteqartut isumaqatiginngilaat.

Sammissaq 4-p ataani allannguutissatut siunnersuutit nr. 46-mit 75-imut, 77-imit 101-imut aammalu 103-mit 127-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**

Sammissaq 4-p ataani allannguutissatut siunnersuut nr. 102 aamma 143 **akuerineqassasut** ataatsimiititaliami amerlanerussuteqartut Siumup, Demokraatit Atassutillu ilaasortaataasa **inassutigaat**.

Sammissaq 4-p ataani allannguutissatut siunnersuut nr. 102 aamma 143 **itigartinneqassasut** ataatsimiititaliami ikinnerussuteqartut Inuit Ataqatigiit ilaasortaataasa **inassutigaat**.

3.3. Sammissaq 7 – Aappassaaneerinnermit Konto pingaarnermi 20.11.51 Aaqqissuusseqinnerit sunniutaat

Naalakkersuisut allannguutissatut siunnersuummik ataatsimik ukiumi aningaasanut inatsiseqarfiusumi IST-mut sunniuteqanngitsumik, 2016-imili IST-p inerneranut 37,7 mio. kr.-inik ajorseriaataasussamik aammalu 2017-imi 16,1 mio. kr.-inik 2018-imilu 22,1 mio. kr.-inik IST-p inerneranut pitsanngoriaataasussamik saqqummiussipput.

Sammissap uuma ataani allannguutissatut siunnersuummut nr. 132-mut isummernissani Aningaasaqarnermut Akileraartarnermullu Ataatsimiititaliap aappassaaneerinninnermi kinguartip-paa.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq. Naalakkersuisumilli siunnersuuinissamut aggeqqusissummi 14. aprilimeersumi allannguutissatut siunnersuutip itisilerneqarnissaanik ataatsimiititaliap Naalakkersuisunut qinnuteqaataa innersuussutigineqassaaq.

Ataatsimiititaliami ikinnerussuteqartut Inuit Ataqtigiit ilaasortaataa isumaat malillugu iluarsartuusseqqinnerup sunniutissaatut naatsorsuutigineqartut piviusorsiortuunerat nalornissutigissallugu tunngavissaqarpoq. Tamanna tunngavigalugu allannguutissatut siunnersuut ikinnerussuteqartunit itigartinneqarsinnaananilu akuerineqarsinnaanngilaq.

(Allannguutissatut siunnersuut nr. 132)

Sammissaq 7-ip ataani allannguutissatut siunnersuut nr. 132 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataa **inassutigaaq**.

Sammissaq 7-ip ataani allannguutissatut siunnersuut nr. 132 **itigartinneqartussatut akuerineqartussatulluunniit** ataatsimiititaliami ikinnerussuteqartut Inuit Ataqtigiit ilaasortaataannit **inassutigineqarsinnaanngilaq**.

3.4 Sammissaq 11 – Pingajussaaneerinninnissamut teknikikkut allannguutit

Qulequttami tassani allannguutissatut siunnersuutitut tallimanik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2015-imi ukiunilu missingersuusiorfiusuni ataatsimut isigalugu IST-mut sunniuteqassanngillat.

Sammissaq 11-p ataani allannguutissatut siunnersuutit nr. 144-mit 148-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

3.5 Sammissaq 12 – Pingajussaaneerinninnissamut missingersuutitut sunniuteqanngitsumik allannguutit

Qulequttami tassani allannguutissatut siunnersuutitut sisamanik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi 2015-imi ukiunilu missingersuusiorfiusuni ataatsimut isigalugu IST-mut sunniuteqassanngillat.

Konto pingaarneq 84.40.12 Ilinniartitaanermut sanaartukkat

Konto pingaarneq 84.40.14 Kulturimut timersornermullu atugassatut sanaartorneq

Ataatsimiititaliami ikinnerussuteqartut Inuit Ataqtigiit ilaasortaataa "nunatta arsaattarfianik" pilersitsinissamik takorluugaqarneq aallaaviatigut taperserpaat, ugguaraluguli aningaasat taamungaannaq immikkoortinneqarmata. Nunatta arsaattarfiata siunissami inissisimaffissaa ilisimanagu, taamaalillunilu nuna, silap pissusia imaluunniit najukkami pissutsit allat ilisimanagit, aningaasanik atuineq suliniummut akitsorsaataaratarsinnaasoq ataatsimiititaliami ikinnerussuteqartut isumaqarput. Naalakkersuisumik siunnersuuinermi paasissutissat tunniunneqartut tamatumunnga naammaginatsumik paasissutissiinngillat.

Taamaattumillu ikinnerussuteqartut allannguutissatut siunnersuummik saqqummiussipput. 2015-imi ukiup immikkoortuata appaa tikilerparput aningaasaliissutillu 1 million kroniusut uki-oq manna atorneqarsinnaanissaat ilimananngimmat siunertamut kr. 600.000-inik immik-

koortitsinissaq ikinnerussuteqartut siunnersuutigaat. Nunatta arsaattarfiata nunatsinni sumi inissisimanissaata paasinarsisinnerqarnissaa aallartissutigineqassasoq aammalu pilersaarutit tigussaannerusut ingerlatilinnginneranni inissiffissaa aningaasaqarnerlu kommunimut toqqarneqartumut oqaloqatigiissutigineqassasoq ikinnerussuteqartut kaammattuutigaat.

Taarsiullugu kontomut 40.94.14-imut, timersornermut tapiissutitut tunngasumut, 400.000 im-mikkoortinneqarnissaat ikinnerussuteqartunit aamma siunnersuutigineqarpoq, taamaalilluni timersornermut kr. 600.000-it sipaarutigineqartussatut siunnersuutigineqartut 200.000 kroninut ikilineqassallutik.

(Allannguutissatut siunnersuut nr. 151 aamma 152)

Sammissaq 12-ip ataani allannguutissatut siunnersuutit nr. 149-mit 150-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 12-p ataani allannguutissatut siunnersuutit nr. 151-imit 152-imut **akuerineqassasut** ataatsimiititaliami amerlanerussuteqartut Siumup, Demokraatit Atassutillu ilaasortaataasa **inassutigaat**.

Sammissaq 12-p ataani allannguutissatut siunnersuutit nr. 151-imit 152-imut **itigartin-neqassasut** ataatsimiititaliami ikinnerussuteqartut Inuit Ataqatigiit ilaasortaataasa **inassutigaat**.

3.6 Sammissaq 13 – Pingajussaaneerinninnissamut Isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat

Qulequttami tassani allannguutissatut siunnersuummik ataatsimik Naalakkersuisut saqqum-miussipput. Allannguutissatut siunnersuut taanna ukiumi aningaasanut inatsiseqarfiusumi ukiunilu missingersuusiorfiusuni IST-mi angusanut 1,5 mio. kr.-inik pitsanngoriaataassaaq.

Sammissaq 13-ip ataani allannguutissatut siunnersuut nr. 153 **akuerineqassasoq** Aningaa-saqarnermut Akileraartarnermullu Ataatsimiititaliamit **inassutigineqarpoq**.

3.7 Sammissaq 14 – Pingajussaaneerinninnissamut kukknersuisut avataaneersut

Qulequttami tassani allannguutissatut siunnersuutit marlunnik Naalakkersuisut saqqum-miussipput. Allannguutissatut siunnersuutit taakku ukiumi aningaasanut inatsiseqarfiusumi 2015-imi ukiunilu missingersuusiorfiusuni ataatsimut isigalugu IST-mut sunniuteqassanngillat.

Eqqortumik pisariaqartumillu Naalakkersuisut iliuseqarnerat ataatsimiititaliamit nersualaarne-qarpoq.

Allannguutissatut siunnersuutit taakku marluk Inatsisartut Siulittaasoqarfiat paaseqatigalugu saqqummiunneqarput.

Sammissaq 14-ip ataani allannguutissatut siunnersuutit nr. 154-mit 155-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

3.8 Sammisag 15 – Pingajussaaneerinninnissamut aningaasanut inatsimmut isumaqati-giissutit

Qulequttami tassani allannguutissatut siunnersuutininik 9-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi IST-imi angusat 25.019.000 kr.-inik 2016-imilu 9,4 mio. kr.-inik ajorseriartissavaat aammalu 2017-imi IST-imi angusat 4,5 mio. kr.-inik 2018-imilu 24,8 mio. kr.-inik pitsanngoriartissallugit.

Konto pingaarneq 10.13.11 Akitaateqarluni ingerlatseqatigiiffinnut toqqaannartumik aningaasartuutit

Ataatsimiititaliami ikinnerussuteqartut Inuit Ataqtigiit ilaasortaatitaat 156-imut, aktiaateqarluni ingerlatseqatigiiffinnut toqqaannartumik aningaasartuutininut tunngasumut, allannguutissatut siunnersuteqarput. Great Greenland aningaasaliissutit 1,6 millioner kroninik ikilineqassasut, taamaalillunilu Great Greenlandimut 13,4 millionit immikkoortinneqassasut ikinnerussuteqartut siunnersuutigaat. Tamatumunnga taarsiullugu ICC-mut 2015-imi 1 millioninik aammalu konto 10.06.27-imut, arlaannaannulluunniit attuumassuteqanngitsumik paasiniaasussanut aningaasanut tunngasumut, allanik 600.000 kroninik immikkoortitsisoqassasoq ikinnerussuteqartut siunnersuutigaat.

(Allannguutissatut siunnersuut nr. 156)

Sammisag 15-ip ataani allannguutissatut siunnersuutit nr. 157-imit 164-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammisag 15-ip ataani allannguutissatut siunnersuut nr. 156 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaatitaasa **inassutigaat**.

Sammisag 15-ip ataani allannguutissatut siunnersuutit nr. 156 **itigartinneqassasoq** ataatsimiititaliami ikinnerussuteqartut Inuit Ataqtigiit ilaasortaatitaasa **inassutigaat**.

4. Allanguutissatut siunnersuutit aningaasatigut kingunissaat

Pingajussaaneerinissamut Naalakkersuisut allanguutissatut siunnersuutaasa aningaasatigut kingunissaat takussutissiami matuma kinguliani allassimapput.

Malugiuk sinneqartoorutit minusimik nalunaaqutserneqarlutik aallarnerneqarmata

| Aningaasat mio. kr.-inngorlugit | 2015 | 2016 | 2017 | 2018 |
|--|-------|-------|-------|-------|
| AIS 2015-imi IST-p inernera | 38,7 | -60,7 | -2,4 | 19,1 |
| AIS 2015-imi IS-p inernera | 76 | -81 | -11,5 | 15,8 |
| | | | | |
| AIS 2015-ip aappassaaneerneqarneranut allanguutissatut siunnersuutit | -35,2 | 62,1 | -10,2 | -16,3 |
| | | | | |
| Allanguutissatut siunnersuut nr. 76-ip tunuartinnera | 5,2 | 5,2 | 5,2 | 5,2 |
| AIS 2015-ip pingajussaaneerneqarneranut allanguutissatut siunnersuutit | 18,3 | 2,7 | -11,2 | -31,5 |
| | | | | |
| AI 2015-imi IST-p inernera | 27,0 | 9,3 | -18,6 | -23,5 |
| AI 2015-imi IS-p inernera | 64,3 | -11,0 | -27,7 | -26,8 |

Aappassaaneerinissamut pingajussaaneerinissamullu allanguutissatut siunnersuutit aammalu allanguutissatut siunnersuutip nr. 76-ip tunuartinneqarnerata kingunerisaannik 2015-imi aningaasanut inatsisimmi IS-ip inernera 64,3 mio. kr.-inik amigartoorfiussasoq takussutissiami siuliani takuneqarsinnaavoq, tassa allanguutissatut siunnersuutit saqqummiunneqarnermittut akuerineqassappata. Piffissamut 2015-2018-imut tamarmut IS-ip inernera en million kr.-it sinnilaarlugit sinneqartoorfiussaaq.

Taamatuttaaq IST-p 2015-imi inernera 27,0 mio. kr.-inik amigartooruteqarfiussaaq. Piffissamut 2015-2018-imut tamarmut IST-ip inernera 5,8 mio. kr.-inikt sinneqartoorfiussaaq.

6. Ikinnerussuteqartut oqaaseqaataat

Aningaasaqarnermut Akileraartarnermullu Ataatsimiititaalimi ikinnerussuteqartut Inuit Ataqa-tigiit aningaasanut inatsisissatut siunnersuummut tamarmiusumut imaattumik oqaaseqaa-teqassapput:

Ukioq manna aningaasanut inatsisissatut siunnersuummut atatillugu Naalackersuisut assut piffissakitsitaallutik sulisimanerat Inuit Ataqa-tigiit ilisimavaat. Majip qaammataa naangaja-lerpoq piffissanngorlorlu 2015-imut aningaasanut inatsiseqalernissatsinnut.

Aningaasanut inatsisissatut siunnersuut arlalinnik imaqarpoq Naalackersuisut assigalugit isu-maqatigisatsinnik. Iluarsartuusseqqinnissaq pisariaqartinneqarmat isumaqatigaarput sulinissa-milu peqataanissatsinnut piareersimavugut. Naalackersuisooqatigiilli anguniakkatik anguniar-lugit perusiat pillugu Naalackersuisut isumaqatigiuaannangilagut. Taamatutaaq politikip ingerlanneqartup tunuliaqutai isumaqatigiuaannangilagut. Isummali assigiinngittarnerat poli-tikimi pinngitsoorneqarsinnaanngilaq. Taamaattumillu oqaloqatigiinnissarput pingaaruteqarpoq, aamma isumaqatigiinngikkaangatta.

Ataatsimut isigalugu Inuit Ataqa-tigiit isumaqarput Naalackersuisut aningaasanut inatsisaanni tunngavigineqartut isumalluarpallaartut. Siunnessami isertitaajumaartut nalorninartullit isumal-luutigineqarpallaarput. Akileraartarnermut ineqarnermullu tunngasuni iluarsartuusinnissat an-neruut ersarinngillat. Nunatta atugarissaarnissaa siunnessamut qularnaassagutsigut taakku assorsuaq pingaaruteqaralarput. Siusinaartumik pensionisiat ineqarnermullu tapiissutit pillugit inatsisit allanngortinnissaannut pilersaarutit pisariaqartinneqarluarput – allannguutissalli taakku siunnessamut sunniuteqartussaannngillat. Anguniagassat angisuut oqallisigisassaraagut, tamatu-manilu siamasissumik isumaqatigiinnissaq pingaaruteqarpoq.

Tamatuma peqatigisaanik isumaqarpugut naalackersuisooqatigiit innuttaasunut aningaasaler-suutitaqanngitsunik neriorsuivallaartut. Neriorsuuterpassuit nunatsinni aningaasaqarnikkut piviusunut naapertuutinngillat. Siunnersuutit manna tikillugu saqqummiunneqartut nunatta ajornartoornerminit aniguisinnissaanut naammanngitsut isumaqarpugut.

Aningaasaqarnerput pillugu eqqortumik tusagaqarnissartik inuiaqatigiit sapinngikkaat Inuit Ataqa-tigiit isumaqarput. Eqqortoq tassaavoq illutta ilaa pitsaagaluarluni ilaa aqqissuut-tariaqarmat. Raajartassat appariartoraluartut aalisarneq ajorisassaannngitsumik ingerlavoq. Nu-nattali karsianut aningaasanik nutaanik pissarsiniartoqassatillugu aalisarnerup pinerit tamaasa isumalluutigineqartarnera attanneqarsinnaanngilaq. Aalisakkanik pisuussutinik atuisinnaaner-mut akitsuusiinissaq Inuit Ataqa-tigiit tapersersorpaat, tamatumanili nuna karsiata amigar-toorutaanik matussusiinissaq kisimi siunertarinqassanngilaq. Amigartoorutit matussuserniar-lugit akileraarutinik akitsuutinillu qaffaanerit pingaarnertut atorneqartarnerat attanneqarsin-naanngilaq. Imaluunniit ataasiartumik isertitanik aallertuararneq, soorlu Grønlandsbankenimi akitaatitsinnik tunisinq. Taamaakkaluartoq Pituffik pillugu suliaq kissaatigineqartutut naam-massineqanngippat tamakku Naalackersuisut ”isumalluutigaat”. Qiiajumanani qarlinnut qineq

9. maj 2015 FM2015/7

anguniagaqarfiunngilaq. Aaqqiigallarneruvoq ingerlaannaq kingunerluttartoq. Illutta ilaa issimut illersuuterput sanngiillisissanngilarput. Akerlianilli issip isaaffii ussissassavagut.

Inuiaqatigiit ilaannaat pinnagit tamarmiusut kivissagutsigit naalakkersuisooqatigiit kaammattorumavagut qineqqinneqarnissaq salliutippallaarnagu suliassat aggersut annertuut aallunneroq-qullugit.

Taasissutissat ataasiakkaat ataanni oqaaseqaatigut oqaaseqartartuttalu oqaaseqaatai inner-suussutigaaqut. Taakku ikinnerussuteqarluni oqaaseqaammut uunga ilanngukkaanni, tamatuma kinguneraa aningaasanut inatsisissamut tamarmiusumut uunga Inuit Ataqatigiit ajoraluartumik itigartitsisariaqarnerat.

7. Aningaasaqarnermut Akileraartarnermullu Ataatsimiititaliamit inassuteqaatit

Sammissaq 2-p ataani allannguutissatut siunnersuutit nr. 17-imit 33-mut aammalu 35-mit 41-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**

Sammissaq 2-p ataani allannguutissatut siunnersuut nr. 34 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataaasa **inassutigaaat**.

Sammissaq 2-p ataani allannguutissatut siunnersuut nr. 34 **itigartinneqassasoq** ataatsimiititaliami ikinnerussuteqartut Inuit Ataqtigiit ilaasortaataaasa **inassutigaaat**.

Sammissaq 4-p ataani allannguutissatut siunnersuutit nr. 46-mit 75-imut, 77-imit 101-imut aammalu 103-mit 127-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**

Sammissaq 4-p ataani allannguutissatut siunnersuut nr. 102 aamma 143 **akuerineqassasut** ataatsimiititaliami amerlanerussuteqartut Siumup, Demokraatit Atassutillu ilaasortaataaasa **inassutigaaat**.

Sammissaq 4-p ataani allannguutissatut siunnersuut nr. 102 aamma 143 **itigartinneqassasut** ataatsimiititaliami ikinnerussuteqartut Inuit Ataqtigiit ilaasortaataaasa **inassutigaaat**.

Sammissaq 7-ip ataani allannguutissatut siunnersuut nr. 132 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataaasa **inassutigaaat**.

Sammissaq 7-ip ataani allannguutissatut siunnersuut nr. 132 **itigartinneqartussatut akuerineqartussatulluunniit** ataatsimiititaliami ikinnerussuteqartut Inuit Ataqtigiit ilaasortaataaannit **inassutigineqarsinnaangilaq**.

Sammissaq 11-p ataani allannguutissatut siunnersuutit nr. 144-mit 148-mut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 12-ip ataani allannguutissatut siunnersuutit nr. 149-mit 150-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 12-p ataani allannguutissatut siunnersuutit nr. 151-imit 152-imut **akuerineqassasut** ataatsimiititaliami amerlanerussuteqartut Siumup, Demokraatit Atassutillu ilaasortaataaasa **inassutigaaat**.

Sammissaq 12-p ataani allannguutissatut siunnersuutit nr. 151-imit 152-imut **itigartinneqassasut** ataatsimiititaliami ikinnerussuteqartut Inuit Ataqtigiit ilaasortaataaasa **inassutigaaat**.

9. maj 2015 FM2015/7

Sammissaq 13-ip ataani allannguutissatut siunnersuut nr. 153 **akuerineqassasoq** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 14-ip ataani allannguutissatut siunnersuutit nr. 154-mit 155-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 15-ip ataani allannguutissatut siunnersuutit nr. 157-imit 164-imut **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

Sammissaq 15-ip ataani allannguutissatut siunnersuut nr. 156 **akuerineqassasoq** ataatsimiititaliami amerlanerussuteqartut Siumup, Demokraatit Atassutillu ilaasortaataaasa **inassutigaat**.

Sammissaq 15-ip ataani allannguutissatut siunnersuutit nr. 156 **itigartinneqassasoq** ataatsimiititaliami ikinnerussuteqartut Inuit Ataqatigiit ilaasortaataaasa **inassutigaat**.

Allannguutissatut siunnersuutit pingajussaaneerinissamut saqqummiunneqartut Inatsisartunit taasissutigineqareerneranni inatsisissatut siunnersuut iluserilikkamisut iluseqarluni **akuersissutigineqassasoq** Aningaasaqarnermut Akileraartarnermullu Ataatsimiititaliami **amerlanerussuteqartut** Siumup, Demokraatit Atassutillu ilaasortaataaasa **inassutigaat**.

Inatsisissatut siunnersuut tamarmiusoq **itigartinneqassasoq** Aningaasaqarnermut Ataatsimiititaliami ikinnerussuteqartut Inuit Ataqatigiit ilaasortaataaasa **inassutigaat**.

Taama oqaaseqarluni aningaasanut inatsisissatut siunnersuut Aningaasaqarnermut Akileraar-
tarnermullu Ataatsimiititaliap Inatsisartunut pingajussaaniigassanngortippaa.

Jens Immanuelzen,
Siulittaasoq

Steen Lyngø

Jess Svane

Tillie Martinussen

Naaja Nathanielsen

Sara Olsvig

Peter Olsen